



NARÓN

CONCELLO DE NARÓN

Datos Do Expediente:

XUNTA DE GOBERNO LOCAL		
Unidade Tramitadora:		
Organos de Goberno e Central - MCCM		
Número expediente:	Documento:	
GOB/2025/55	GOB19I00GI	
<div>4D3T 2N21 4C71 0J2E 10WP</div>		

ACORDOS DA XUNTA DE GOBERNO LOCAL, DE DATA DOCE DE XUÑO DE DOUS MIL VINTE E CINCO

SRES/AS ASISTENTES:

SRA ALCALDESA-PRESIDENTA:

D/D^a MARIAN FERREIRO DIAZ

SRES/AS CONCELLEIROS/AS:

TERRA GALEGA VOCAL - RAMOS RODRIGUEZ, MANUEL ANTONIO

TERRA GALEGA VOCAL - ROMERO FRANCO, ROMAN

TERRA GALEGA VOCAL - GOMEZ CASAL, M.DEL MAR

TERRA GALEGA VOCAL - AMENEIRO LOPEZ, OLGA

TERRA GALEGA VOCAL - LORENZO TOJEIRO, MARIA DEL CARMEN

TERRA GALEGA VOCAL - OREONA BRA, JOSE

SRA. INTERVENTORA XERAL:

D/D^a D/D^aMARIA DEL PILAR CANZOBRE MENDEZ

SR. SECRETARIO XERAL:

D/D^a D/D^aALFONSO DE PRADO FERNANDEZ-CANTELI

Na casa do Concello de Narón, ás 11:00 do doce de xuño de dous mil vinte e cinco, baixo a presidencia da Sra. Alcaldesa-Presidenta, MARIAN FERREIRO DIAZ, reúnese a Xunta de Goberno Local en sesión ordinaria. Asisten os/as corporativos/as que se sinalan á marxe.

Actúa de secretario ALFONSO DE PRADO FERNANDEZ-CANTELI, o Secretario Xeral.

Aberta a sesión de orde da presidencia adoptáronse os acordos seguintes:

1.- APROBACIÓN, SE PROCEDE, DA ACTA DA SESIÓN ANTERIOR

A Xunta de Goberno Local, por unanimidade, deulle a súa aprobación.

2 .- PROPOSTA DE APROBACIÓN DO PADRÓN FISCAL DAS TAXAS POLO SERVIZO DE AXUDA NO FOGAR DE MAIO 2025 .-

Vista a proposta formulada que di así: Dáse conta a esta Xunta de Goberno Local, que por resolución da Alcaldía, de data 10/06/2025, resolveuse:

“**PRIMEIRO:** Avogar con carácter singular a competencia delegada, por Resolución da Alcaldía de 22.06.2023, na Xunta de Goberno Local para a rectificación do acordo de aprobación dos padróns fiscais correspondente ás taxas polo servizo de axuda no fogar do mes de maio de 2025.

SEGUNDO: Aprobar a modificación dos padróns fiscais correspondente ás taxas polo servizo de axuda no fogar do mes de maio de 2025:

Donde di:

Primeiro: Aprobar o padrón fiscal correspondente á taxa pola prestación do servizo de axuda no fogar, na modalidade de Dependencia, do mes de marzo de 2025, que comenza por 3255****M e remata por Y95****9T, cun total de 189 contribuíntes e por importe de 20.006,79 €.

Segundo: Aprobar o padrón fiscal correspondente á taxa pola prestación do servizo de axuda no fogar, na modalidade de Libre Concorrenza, do mes de marzo de 2025, que comenza por 5066****E e remata por 1135****D, cun total de 11 usuarios e por importe de 409,53 €.

Deberá dicir:

Primeiro: Aprobar o padrón fiscal correspondente á taxa pola prestación do servizo de axuda no fogar, na modalidade de Dependencia, do mes de maio de 2025, que comenza por 3255****M e remata por Y95****9T, cun total de 189 contribuíntes e por importe de 20.006,79 €.

Segundo: Aprobar o padrón fiscal correspondente á taxa pola prestación do servizo de axuda no fogar, na modalidade de Libre Concorrenza, do mes de maio de 2025, que comenza por 5066****E e remata por 1135****D, cun total de 11 usuarios e por importe de 409,53 €.

TERCEIRO: Dar conta á Xunta de Goberno Local da citada modificación.”

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

3 .- PROPOSTA DE APROBACIÓN DO PADRÓN ADICIONAL DE AUGA, SANEAMENTO, DEPURACIÓN E LIXO DO 1ºTRIMESTRE DE 2025 .- Vista a proposta formulada que di así: Elaborado, pola Compañía de Servizos Medioambientais do Atlántico –COSMA- a proposta de aprobación do padrón adicional de contribuíntes por auga, saneamento baixa, saneamento alta, depuración baixa, depuración alta, canon de auga, aluguer de contador e lixo, do 1º trimestre do ano 2025 e visto o informe do xefe do Servizo de Intervención e Facenda, de conformidade co establecido no artigo 175 do R.D 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, formúlase a seguinte proposta á Xunta de Goberno Local:

PRIMEIRO: Aprobar o PADRÓN ADICIONAL de contribuíntes por auga, saneamento baixa, saneamento alta, depuración baixa, depuración alta, canon de auga, aluguer de contador e lixo, do 1º TRIMESTRE de 2025, que comeza por 32679592L e remata por 32660198Z, cun total de 9 liquidacións e por importe de 7.346,78€.

SEGUNDO: O padrón adicional quedará exposto ao público no Concello durante o prazo de 15 días, a contar desde o día seguinte á publicación do Edicto no BOP. O presente anuncio ten carácter de notificación colectiva ao abeiro do disposto no artigo 102 da Lei 58/2003, xeral tributaria, e no artigo 75 da Ordenanza Fiscal nº 1 xeral de xestión, recadación e inspección.

TERCEIRO: Durante o período de exposición pública, contra as liquidacións incorporadas ao padrón, todos os interesados poderán interpoñer as reclamacións ou alegacións que consideren pertinentes.

CUARTO: Finalizado o prazo de exposición pública, os interesados poderán interpoñer recurso de reposición, segundo o disposto no artigo 14.2 do Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, no prazo DUN MES contado desde o día seguinte ao mesmo. Contra a resolución recaída no recurso de reposición poderán interpoñer, ante o Xulgado do Contencioso-Administrativo de Ferrol, recurso contencioso-administrativo, no PRAZO DE DOUS MESES contados desde o día seguinte ao da notificación da devandita resolución. De non recaer resolución no PRAZO DUN MES a contar desde o día seguinte ó da presentación do recurso de reposición, en virtude do disposto no artigo 14.2 do Texto Refundido da Lei das Facendas Locais, entenderase desestimado, cos efectos xurídicos establecidos nos artigos 24 e 25 da Lei 39/2015 de 1 de outubro, do Procedemento Administrativo Común das Administracións Públicas. Non obstante, si se considera convinte, poderán utilizar e exercitar calquera outro recurso que estimen pertinente.

QUINTO: O prazo de cobro, en período voluntario, comezará ao día seguinte da súa publicación no BOP de A Coruña e rematará o 03/09/2025. Transcorrido este prazo, procederase a esixir os xuros de mora e os recargos que establecen os artigos 26 e 28 da Lei xeral tributaria e, no seu caso, as costas derivadas do procedemento de prema.

SEXTO: A falta de pago no período voluntario suporá a esixencia do canon de auga directamente ao contribuínte pola vía de constrinximento pola Consellería competente en materia de Facenda da Xunta de Galicia. A repercusión do canon de auga poderá ser obxecto de reclamación económico- administrativa perante o órgano económico- administrativo da Comunidade Autónoma de Galicia, no prazo dun mes desde que se entenda producida a notificación.

SÉTIMO: Dar traslado do acordo á *Compañía de Servicios Medioambientales do Atlántico SA (COSMA)* para o seu coñecemento e aos efectos oportunos.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

4.- ROGOS E PREGUNTAS

Non se formularon.

V. e pr.

F_FIRMA_96

F_FIRMA_4